

泉

縣

誌

抄本

厚

二十六年

一本



陕西省图书馆藏	
书号	D631 157
登记号	12831

00616

石泉縣誌序

邑自明崇禎丙子以後五十二年間七經地陷所
存於今者寥寥數百餘家當日鋒鏑之餘海鷗成
行蒿萊滿目人物山川非其舊矣不惟舊誌已灰
於秦火即長老復同於說夢乃欲翻禮艷於凋喪
之秋振徽音於絕響之後固不難哉第思昔之山
川即今之山川今之人物猶昔之人物以其所見
質其所聞去其荒殘之色錄其全盛之風則開元
遺事猶當在人耳目間也夫豈遠乎至於山驕水
激土瘠民稀生聚教養非止二十年之力所能復

其舊者竒承之待罪九載無米之炊心口卒瘁隱
痛茲誌誠為缺典竊思家有家乘族有族譜而况
朝廷封疆今日已委諸草莽將來又無所考稽豈非有
土者之責哉雖然吹嶰谷之春沛商羊之澤若非
諸上臺軫念方域孰能令有起色耶

康熙二十六年歲在丁卯林鍾月中浣日石泉縣
知縣東粵潘瑞竒際嘉氏書於飲水公署

石泉縣誌

知縣潘瑞奇校修

邑布衣張峻蹟手纂

邑鄉官王麟叅訂

任君命

邑庠生張星燦叅閱

周德亮

目錄

地圖

圖說

河圖

圖說

沿革

公署

山川

附八景並古蹟

土田

錢糧

戶口

荒政

水利

驛站

村落

軍政

關津

廟宇

名宦

人物

流寓

風俗

土產

藝文

目錄終

圖說

周官保章氏掌天下輿圖雖郡邑大小不同其分野皆上應星象石泉當秦楚之交然在井鬼之分猶應翼之一度柳之十三度以是占休咎之祥庶幾不忒石泉始隸漢中其來脉發源於終南山所謂天下之北條也東南折而為雲霧山則此邑之太祖也建縣之地亥龍入首漢水欄於其前東有池河紅河西有左溪繒溪左右夾送堂局分明堪輿家所稱第一吉也則為之誌地圖

峻蹟識

縣治子午正向洪武二年建周回三里三分石基
磚垣連堞高三丈三尺為里八曰石泉曰咸寧曰
興化曰附德曰饒豐曰太平曰懷柔曰安順其治
南有石泉數眼因取為名東接荆襄西通漢沔南
連巴蜀北拒秦關東至漢陰縣界四十五里南至
西鄉縣界一百里零西至洋縣界七十里北至長
安縣界一百二十里

地圖

鳳凰山

朝陽寺

羅漢寺

池河

東塔

紅河

東岳廟

東岳廟

青龍石

長安

長安

望江寺


望江寺



圖說

漢江南條之巨津也發源岫冢山為漾水東流至武都始名漢水又東為滄浪之水過三澁至於大別南入於江東匯澤為彭蠡東為北江入於海隋天文書云上應天漢故名漢水其水清且漣若銀漢之明當西鄉茶溪鎮入石界挾流而下直繞石城若環一帶估客之舟艦啣尾不斷南貨畢集邑人藉以為貨遷之利源源一水生財之用宏矣則為之誌河圖

漢江圖



景西漢
北漢
珠河
中漢

縣西漢
南漢
東漢

縣西漢
北漢
南漢

縣西漢
北漢
南漢

縣西漢
北漢
南漢

縣西漢
北漢
南漢

象鼻大物

新田

新田

新田

新田

新田

新田

新田

新田

新田

新田

新田

新田

新田

新田

沿革

一代之興必留心疆域克分天下為九州舜益為
十二州禹平水土仍定為九曰冀兗青徐揚荆豫
梁雍此沿而不革者也厥後改州為道改道為省
一省之中屬有郡邑有沿有革迄無定名有陞邑
為郡有降郡為邑者有因山立號有因水為名者
數更之後惘然莫辨其地即有聖哲賢豪名物珍
品萃出其間竟不知產於何處其於天地鍾靈毓
秀之心亦迷而不可攷矣官其地者故必詳其創
建某郡邑在何代為某名今更為某名或沿或革

則源流庶不紊耳嗚呼物華天寶人傑地靈必不
因沿革而或泯亦必因沿革而始著則為之誌沿
革

峻蹟識

沿革之說原以稽本邑設立之由雖

昭代如故而歷朝更改不一不可不考之詳也

查證如左

石泉縣始隸漢中府漢中固禹貢梁州至漢時改

梁州為東川後周改東川為漢川統州縣二十四

石泉為屬邑之第二十一至唐改漢川為山南西

道德宗幸梁州陞為興元府領州縣二十五石泉
轄於金州為屬邑之第十五至宋乾德改興元為
利東路又改為東益領州縣十二石泉為屬邑之
第八明太祖洪武五年平定陝西改東益為漢中
府隸陝西布政司領州二縣十四石泉仍隸金州
為屬邑之第二金州遭水患之後改名興安萬曆
二十三年興安直隸布政司領縣六石泉為屬邑
之第二

清興如舊

公署

石固衝邑路當水陸皇華使者至非由秦入楚則
率漢而蜀觀風駐節馳驛絡繹他如供帳之簡陋
餼廩之惡草稽其地無責耳至望舍以蔽風雨入
疆而稅駕驂則公署烏可無脩石當全盛除縣治
廨宇而外公署有數處莊嚴不啻廟貌自丙子陷
後綠林一炬可憐焦土前令劉之禎脩察院一處
無幾時復為亂兵拆毀瓦礫成堆十數年間上臺
經臨駐扎廟宇褻瀆不堪本縣潘父母慨然捐建
拮据半載規模煥然雖不足以壯大觀亦不愧為

東道主人則為之誌公署

東察院在縣治之東一百五十步今廢

西察院在縣治之東三十步昔劉令創建今潘令

復建

新府廳在縣治之東三十步今廢

舊府廳在縣治之東六十步今廢

印信衙門五處

本縣一處

儒學一處

陰陽學一處

印信無

醫學一處

印信無

僧會司一處

印信無

以上三處並未頒發

山川

禹敷土隨山刊木奠高山大川以表九州之疆界
石泉彈丸小邑具在漢南也猶面上之一黑子第
就地論地亦版面也雖無名嶽巨浸若九鼎三峩
湖庭彭澤之佳麗滄泓而北倚終南雲霧之雄南
拱鳳凰銀洞之秀若漢水則四瀆之一也有崔魏
而登舟梁而渡者亦得因其邑而表見之則為之

誌山川

山

鳳凰山

邑南昔鳳鳴于此山故名鳳皇長亘五百里明瑞王施金三千兩差官構寺於山巔

朝者如蟻真盛剗也

銀洞山

邑南因有銀礦明神宗遣使鑿煉百姓苦之後勅封其洞擅取者罪焉銀山秋月

為石泉八景之一說載後

關家山

邑南山下居民閔姓者衆因名其山曾出一仙人其事詳載仙釋誌中

太白山

邑東南四十里

三台山

邑東南五十里

峻蹟識

黃石山 邑南上建 有藥王殿

關頭山 邑西關頭 泉八景之一 說載後

雲霧山 邑北相傳 鬼谷子隱 此有地畝 餘朝種 暮

取水甚靈 禱辟文佛

嶺

馬嶺 邑東三十五里 建舖其間 居民繁密 誠輻

出號勝地也 詩聯載藝文中 馬嶺朝陽為石泉八景之一

梅子嶺 邑西五里

饒峯嶺 邑西七十里 為閑設巡司一員 今裁 宋吳

照為石泉 八景之一

磨兒嶺

捷徑其高一里二十里通子午谷為入省之狀

名教

父子嶺

處西南相傳其父病死於此其子守屍亦哭死故名

洞

烟波洞

其洞幽邃暗有烟出其中靈湫滴滴於石上大旱則禱取其水隨有雷雨遠近沾足

為石泉八景之一

千佛洞

其洞深遠不可測高敞奇恠中供大佛像五諸天菩薩像俱莊嚴地亦僻靜真洞天

勝地也

玉皇洞

洞竅而奇外構層閣中供藥王孫真人像上供玉皇像會在正月九日進香者甚衆

藥王洞

供孫真人像正洞供玄元皇帝像其祀在二月二日蒼崖翠壁香烟盤結亦巨會也

朝陽洞 亦孫真人香火之區

古源洞 平地突出大石方員數畝石澗數道為興仁堰之過水周四喬木如綉俯聽澗流若

奏簫鼓崖鑄古源洞口四大字

魚洞 洞在南山不一其處每年三月穀雨日洞中有魚簇擁而出鄉人於是爭取而歸

陽坡洞 洞於近年歲一妖曾攝一女於中現形若二十歲美男子設有几榻讀書寫字人不

敢禁如是二三年一日震雷驟火焚擊其處妖遂絕焉

崖

仙鶴崖 昔有白鶴一對恒集此崖因名

香栢崖 香異他栢估客採販

手把崖 路經此崖非手把之不能過

鷹嘴崖 石狀似鷹嘴

岫

青岫 為南山一帶入縣之棧道

閻王岫 路最險故名

溝

松樹溝 有西南二處俱有大松合抱參天

黑溝 三峯插天避亂者作砦焉

香柏溝 夾溝俱左旋之柏香異他處

溪

大柳溪 昔年盛時居民繁衍其光景與邑等今蕭條無幾矣

小柳溪

繒溪

左溪

河

兩河

大堤河

富水河

水大而險行
人多為所沒

池河

邑東四十五
里設有渡舡

珍珠河

邑西三里其
噴似珍珠故名浪

饒峯河

携珍珠河
入於漢

陳

紅河二邑東

池

草

池

池大十畝餘中俱荷花六月盛開坡仙所
云接天蓮葉無窮碧映日荷花別樣紅者

若為此池作也

天

池

天池乃寺前之池
石泉八景之一

八景

銀山秋月

山在邑南八里列翠屏於縣治之前奇峯突兀高

出雲表青藍欲滴每秋夜快晴時水輪度其上憑

城把酒心目爽然誦夜靜山卸斗之句若申法師

邀我上虹橋觀霓裳羽衣舞耳

漢江晚渡

漢在縣治南城外洲浮水面為估客維舟之次下
設有官渡南而北北而南者呼渡不休惟當夕陽
西下岸靜沙平舟子披蓑把柁咿啞之聲若廢若
歌一碧萬頃微波如鱗野航恰受兩三人此非其
畫乎

石磨漁梁

縣東十五里有鋪曰石磨鋪前之石色綠而堅邑
人伐而作磨故名每年漁人當水涸時作魚梁於

其間水中列椿如柱覆以竹筴結庵守之若際魚
多之時亦稱有年鳴榔擊汰款乃互答邑人士載
酒往觀烹鮮浮白張志和之適也

馬嶺朝陽

嶺在邑東三十里橫亘曲折有十八灣為溪南之
通道堪輿家謂之天馬此嶺之得名也嶺麓為鋪
嶺頭有息肩亭三楹嶺腰有關聖廟六楹每曦輪
初湧紅日燒暗谷中山形益秀若連騎奔而馳者
甚可觀也曾建坊於亭前

饒峯晚照

嶺在邑西七十里山勢巖陡高出雲表為邑之雄
關昔宋都統制吳玠過金兀朮即此峯巒秀麗若
植笋列戟當烏輪西墜返照入林則一帶金山也

烟波靈洞

洞在邑西二十里陡壁懸崖下為洞口黑深不可
測中出烟霧繚繞洞頭若織霞然流聲淙淙若簫
鼓之音每遇亢暘官民往禱取水隨禱隨應名為
靈湫民社賴焉

天池瑞蓮

池在邑西四十里高高山頂水湧而成池大可盈

三四畝其圓如鏡內出紅白蓮每邑中有禳祥
事則蓮多並蒂池當寺前入聽鐘聲佛號出觀碧
藕竒荷真梵率宮青蓮臺也

霹靂神峯

峯去城西三十里一筓直插雲間旣峯河纏於峯
麓峯巔建元武殿朱楹畫棟鈴角錚錚然望之若
空中樓閣每歲三月上巳日為真武會男女朝者
蟻附而上踵頂相接夾道蘭蕙春夏之交香風馥
馥衫袖間皆御爐烟也旁有小峯為雷所擊投峙
道左其方如屋真飛來峯耳

古蹟

鬼谷子巖在雲霧山中相傳先生隱處有廢址其
鉄棺尚存周廻竒花異卉一本而五色者大如椀
採茯苓者多見之繫帶其上以識之隨迷其處有
地約一畝朝種暮收一道人坐山數十年賴以脩
真後化去遂失所在云

金鈴崖却叅議者失其名明初時分藩商州其父
出亡時叅議尚幼母撫之成進士封父如其官而
心終未愜也一日轉漢中叅政道經一驛其母在
輶中輶夫有稱老却者母心動審覘之左肩果有

紅痣密以語子立召詢其由母屏後大哭叅議擁
而跽痛遂易轎而行至石泉亭神人語曰天令爾
父子重會錫爾金鈴明日當往取之至古源洞聞
隱隱有鈴聲起崖中徒步徐聽之漸逼漸顯從者
俱聞至其處半隱半露梯而摘之應手而落此自
開闢來僅見之竒令工鐫其石曰却公路

饒峯巔巔當入洋險要金兀朮將寇興元取道此
嶺時都統制吳玠鎮洋關之日夜行三百里至饒
峯列陣以俟兀朮初不知有守意欲長驅至嶺下
玠遺以黃柑兀朮以杖擊地大哭曰爾來何速耶

遂大敗之明御史有詩附藝文中

宋總管楊從義晚行饒峯關有虎突出從者皆散去義獨躍馬而前一矢殪之運使丁公為作射虎行失其歌

漢劉封背蜀投魏懼追至饒峯嶺藏於鼓中追兵至推鼓於嶺下至今其餘草俱亭然上立獨滾鼓一道靡然下垂以為異也

土田

經曰庶士交正底慎財賦明乎賦之俱從出於土

田土田之肥瘠財賦之高下係焉石泉蹲在萬山

上下百里間俱懸崖絕壁求其平疇沃壤則不及
鄰封十之一也當在承平時生齒林林尚多土滿
之虞今則耕者如星墾者如掌土田猶在知不能
起白骨而驅青犂也則為之誌土田

峻蹟識

原額上中下陸等并綿花共田地肆百玖拾伍頃
柒拾柒畝壹厘叁毫

上田二十五頃三十畝七分六厘五毫

中田二十四頃七十畝七分五厘六毫

下田三頃五十三畝三厘二毫

上地二十頃八十五畝七分五毫

中地六十八頃七畝八分七厘八毫

下地三百五十三頃四十七畝八分七厘七毫

綿花地三十四畝內於順治七年坎月內

督撫具

題豁免一案又於康熙八年五月內為秦屬蠲免
事一案又於康熙二十三年再疏籲請等事一案
三案共奉

旨豁免共地三百七十九頃三十七畝五分九厘三毫

七絲九忽又康熙二十三年開墾地壹拾叁頃伍

拾肆畝壹分肆釐又二十六年起科開墾過地一
頃一畝五分以上止共實在地一百八十四頃二
十八畝五分二厘五毫五絲七忽

錢糧

任土納貢唐虞三代之制遐矣歷朝取法屢更十
六而上丁六十而下丁雖使民無游手而少懷老
安之道寓焉今則緣丁派徭計畝起科糧額已定
則必取盈焉子未生而名先起是徵賦於無何公
子也人已歿而諱尚存是索糧於烏有先生也大
創之後徵解維艱雖蒙題分荒熟然土田無全墾

之日則錢糧終無滿額之期而焦心於正供者苦
點金之無術矣則為之誌錢糧

峻蹟識

原額上中下科糧不等共糧五百六十石五斗九
升四合二勺二抄三撮六圭每石折徵銀二兩一
錢五分三厘七毫三絲三忽九微二纖共銀一千
二百七兩三錢七分七毫九絲二忽四微八纖又
綿花地折布銀二兩二錢陸分七厘二毫二項共
徵銀一千二百九兩六錢三分七厘八毫九絲二
忽四微八纖內二案及再疏願請案內奉

旨豁免外止實徵銀四百二十九兩二錢六分六厘七
毫七絲三忽八微五纖四塵六渺又興屯守禦所
屯糧五石九斗三升每石折徵米五斗共徵米二
石九斗六升五合折色銀六兩零五分
原額均徭銀一千七百九十六兩七錢三厘五絲
內除二案及再疏籲請案內奉

旨豁免外止實在銀六百二十七兩五錢一分七厘八
毫六絲六忽一微七纖六渺又康熙二十三二十
六兩年開墾過共諛糧一十六石六斗九升一合
八抄八撮九圭三粟二粒二案共折徵均徭銀五

十三兩四錢九分四厘八毫九絲八忽二微九纖
三塵五渺

本色祿米一百一十六石七斗一升內除奉

旨豁免外又康熙二十三二十六兩年開墾米三石四

斗六升八合一勺七抄九撮二粟四粒

實在共該米六十一石一斗八升一合七抄三撮

五圭九粟二粒

原額人丁三門九則不等俱折下下共丁一萬二

千三百六十七丁每丁徵銀二錢三分五厘三毫

七絲一忽三微九纖內除優免丁一百四十二丁

共該銀三十三兩四錢二分二厘七毫二絲七忽
三微八纖

實在行差丁一萬二千二百二十五丁額徵二千
八百七十七兩四錢內除二案及再疏籲請案內
奉

旨豁免外實在三門九則并停免共丁七百六丁各徵
不等共徵銀二百四十八兩四錢八分一厘三毫
六絲一忽五微五纖又康熙二十三二十六兩年
招回丁二十七丁該徵銀六兩三錢五分五厘二
絲七忽五微三纖現在共實徵丁銀二百五十四

兩八錢三分六厘三毫八絲九忽二微八纖

戶口

宣父式負版蓋以民為本也子輿重得心蓋以民為貴也前代令甲十年攢造民之戶口於冊主計者升之大部聞之天子告之宗廟藏之名山所以備稽登耗之數以為有司殿最石固巖邑昔年頗稱繁衍即鳩形鷄衣不可謂非民也編茅列棘不可謂非戶也區區數十年間七經寇陷半塗江魚之腹半供市刀之屠起視城野青燐白骨可勝泣涕茲後之生聚教養非二十年之可期矣則為之

誌戶口

峻蹟識

軍戶無

民戶雜役等戶昔年一萬五百戶疊經殺擄今止存五百五十一戶

男婦昔年四萬三千口今疊經擄掠止存二千九十八口

荒政

從來國稅取足於小民小民取辦於田地田地之荒熟國稅之完欠因焉歷觀前史如歲際荒歉朝

廷即下蠲除之詔或賜田租之半而年或登稔其
豐腴猶故也至如久被兵燹土滿人稀地覆荆榛
民逃如霰若按籍而取盈不啻取火於方諸而取
水於陽燧真必不得之數者也石泉疊遭寇躪人
盡逃亡以致

國稅逋負司牧者仰屋無策幸而下

詔查荒民始得以荒

聞於是皇皇令長嗷嗷萬姓叫呼之無從者一旦撥雲
見日其得蠲除將十之五焉今而後居者不復逃

熟者不復荒矣糧輕而開墾漸可望也則為之誌

荒政

峻蹟識

石泉縣原額地丁并均徭共徵銀五千八百八十
三兩七錢四分九毫四絲二忽四微八纖三案內
奉

旨共除荒銀四千六百六十六兩五錢八分六厘九毫
二絲三忽四微七纖六塵二渺

以上實在并節年招墾民屯地丁均徭共銀一千
四百一兩六分四厘九絲一忽九微九纖九塵四

渺

本色祿米一百一十六石七斗三升三案奉

旨共除荒米五十八石九斗九升七合一勺五撮四圭

三粟二粒

實在并節年招墾共米六十一石一斗八升一合

七抄三撮五圭九粟二粒

本色屯米二石九斗六升五合

水利

五行首水水之時義大矣哉山河大地一日不資
於水樹石且焦爍矣猶之身焉肢體營衛一日不

資於水腑臟且乾枯矣故為治者不悉心水道無

論因時規利不能興不費之惠也傳曰卑宮室而
盡力乎溝洫則為之誌水利

峻蹟識

長安堰

縣東南五里水
用水磨溝灌田

七里堰

縣西七里水用
珍珠河灌田

興仁堰

縣西十里水用
饒峯河灌田

高田堰

縣西十五里水
用饒峯河灌田

驛站

驛站為

朝廷血脈不可一日不疏通石泉當水陸之衝上舡

下馬應接不暇昔年皇華使者至執一檄如虎符
多方勒索應舡則索馬馬應舡之價入囊矣應馬
則索舡舡應而馬之折肥索矣當事者不勝投鼠
忌噐之恐尚忍言哉近幸

上臺悉其弊痛革前轍立石嚴禁令疲驛少甦一日
之痛痒勝于百千叫呼也則為之誌驛站

峻蹟識

原額損轎夫三十四名工食銀三百六兩

原額走遞馬三十匹馬夫一十八名工料銀九百

七十三兩六錢四分五厘內除三案共免荒銀二

百五十八兩六錢七厘八毫五絲七忽六微六纖
七塵五渺

實徵銀一千貳十一兩三分七厘一毫四絲二忽
三微三纖二塵五渺內

受協渭南富平藍田漢陰四縣共先留驛用銀七
百四十五兩一錢九分七厘三毫三絲本縣自支
銀二百七十五兩八錢三分九厘八毫一絲二忽
三微三纖二塵五渺內

裁四留六應支損轎夫工食驛馬草料馬夫工食
脩補鋤力藥材等項共支銀六百一十二兩六錢

二分二厘二毫八絲五忽三微九塵五渺又支本
縣接進募夫損轎夫協濟西鄉茶溪灘夫馬等項
共支銀八十三兩四錢四分八毫三絲四忽六微
三纖二塵七渺外
尚應起解裁四站銀三百二十四兩九錢七分四
厘二絲二忽三微九纖三渺

驛站上路

乾灘鋪 縣西十五里

繒溪鋪 縣西南三十里

左溪鋪 縣西四十五里

饒 峯 縣西五里

雙 嶂 縣西三十里

高 田 鋪 縣西十五里

驛站下路

石 磨 鋪 縣東十五里

馬 嶺 鋪 縣東三十里

池 河 鋪 縣東四十五里

漢 陽 坪 縣東南一百二十里

村落

郡邑之有村落猶人身之有肢體堂殿之有廊廡

也呈環幕布列屋共井或一姓繁衍而居或庶姓攢集而處編里甲以輯賊盜均徭役以奉令甲鷄鳴犬吠點出烟村中一段擊壤鼓腹景色城市且增雄矣今則到處鞠為茂草其地之名猶存也則為之誌村落

峻蹟識

梅湖鎮 邑南六十里

漢陽坪 邑南一百二十里

楊家埧 邑西十里

柳巷 邑東北近城

北郭
近邑城北

酒店
十邑東三里

柳溪村
十邑南四里

黃村
十邑南八里

五里村
西邑

草池
十邑西三里

五郎村
二邑北一百里

大堤村
十邑北五里

麻庄
百邑北一里

沙河村
五邑北十里

文家營 邑東四十里

長安堤 邑南五里

簡家庄 邑北一百二十里

熨斗堤 邑南一百里

銅車堤 邑南一百一十里

軍政

石泉在漢興為腹肋軍政之防前此未聞也及

大清興設鎮府於興安州一協四路在下游以遏楚師

一協四路在上游以脩蜀寇石則居中受撤耕食

鑿飲談兵而邑變矣制府孟喬芳因南北風起設

駐防以備非常練土兵三百名以充城守民始釋耒而戈易蓑而甲矣其兵籍俱隸本鎮以聽訓誨今蜀寇蕩平楚孽獻俘鑄金咸陽俱皆帶牛佩犢矣則為之誌軍政

峻蹟識

國朝順治中本鎮委遊擊一員駐防石泉城中統土兵三百名屯田楊家壩兵餉四千五百兩本鎮按季發給自康熙三十八年奉裁止委千總一員帶兵五十名餉自漁渡路發給

關津

經云重關擊折以禦暴客關津之重久矣石泉當
楚蜀之衝自春秋漢宋以還取蜀襲楚有事兵爭
於險扼之處設有關隘屯有重兵雖未若函谷雲
棧之險而盤詰郵遞或未有鷄鳴而潛渡者慨承
平日之一切撤去古言一夫當關千人辟易則為
之誌關津

峻蹟識

饒峯關

縣西六十里明設有
巡檢一員今廢

馬嶺關

縣東三十里

五郎關

縣西一百二十里明
設有巡檢一員今廢

土門關縣西七十里

漢江設有官渡

池河縣東四十五里設有官渡

左溪縣西南四十五里設有官渡

廟宇

國家祀典首重祀神故棲靈有廟或昔而名賢仙佛

降祥道澤者必崇飭廟貌以便祈報石邑雖小其

廟宇之在城在野者指不勝屈自甲戌以來戎伏

於莽師環於郊綠林一炬可憐焦土迄今過其廢

址憑吊泣然當不啻西楚咸陽之燬梁公江南之

焚也今仍其名載其地俟他年庶富之餘有事於
增華未之或知也則為之誌廟宇

峻蹟識

廟

文廟

昔年正殿兩廡啟聖宮明倫堂敬一亭名宦
鄉賢二祠戟門泮池巍然可觀丙子年賊燬

無存自康熙己未歲潘令之任目擊荒涼甚
為太息即捐俸重構房屋圍墻聊蔽風雨安
先師之靈今又得以懸

御頌扁額雖不能復古之制亦可為費宮之小補也

城隍廟

縣治內兵燹之後狼狽不堪潘令
為之捐資重葺今始稍為壯觀

關聖廟

縣治內自變亂以來廟雖存而寔廢潘令
倡捐重修而廟貌以煥然一新矣

馬王廟

在縣治內

東嶽廟

會也 賊燬 盛

五瘟廟

會也 賊燬 盛

水府廟

可遊為大水浮之而去

火星廟

里賊燬

藥王廟

刻故事約百步欄旁樹翠栢可有株亂後

俱被盜伐其廟雖存不能蔽風雨

三清廟

步賊燬

土地祠

縣治大門

精忠祠

祀唐忠臣張巡許遠者賊燬

報功祠

祀東半里建以祀

閣

玉皇閣

邑東四十五里池河鋪左帝宮內閣建在
高基上極其偉峻為邑左之下欄賊燬

文昌閣

在巽宮之後閣高五尺登
閣而全邑在目中也賊燬

鐘鼓閣

縣治大門外之左邊閣高五六十尺上懸
鐘鼓候更者疊宿其上即樵樓也賊燬

寺

龍華寺

縣城內西為習儀拜牌之所僧
會司寓此邑之首寺也賊燬

鎮江寺

縣西半里名
刹也賊燬

望江寺

縣南漢江
岸賊燬

羅漢寺

縣東四十里
名刹也賊燬

朝陽寺

縣東北四十
五里今廢

甘泉寺

縣南十五里今廢

柳溪寺

邑南四十里今存

蔡竹寺

邑東南七十里今存

回龍寺

縣西五十里今廢

梧桐寺

縣東北五十里今廢

天池寺

縣西南四十里上有蓮池為石泉八景之一今存

雲門寺

邑西北一百二十里明秦府修今存

華嚴寺

縣西一百二十里賊燬

偏橋寺

縣東四十五里其寺僻靜溪陰士子多讀書於此有發科者俱懸匾其上賊燬

廢

朝河庵

縣西十五里庵建於崗面即興仁堰田數頃饒峯河纏於崗麓一望若帶佳樹百章

濃陰欲滴名刹也賊燬

古源庵

縣西十里其庵建在大石上興仁堰水流於庵座之下洞洞有聲若鐘鼓然翠樹千

章蔭蔽左右夏月避暑其間真清涼法界也今存

湘子庵

縣東一里賊燬

松華庵

縣西南三十里其山古怪庵亦靜僻有百歲老僧棲錫其中後蟬脫去賊燬

名宦

親民之吏曰守曰令言乎官則國而家也言乎治

則民而子也漢興循吏如林至今照耀簡冊膾炙

齒頰猗歟休哉至有遺惠在民去官而思示異之

檐惟雖遠桐鄉之俎豆猶新譚衍而下蒞茲土者
不啻數十百人若者良若者枯若者臧若者否當
有不誣於行直道之民者今特拈而出之以為後
之有位者風則為之誌名宦

峻蹟識

石泉歷任縣令

明代

譚衍四川人由舉人洪武二年任

衍當國家初造
小民始出湯火

勸課農桑庶明愷悌一時殘民倚為慈母任滿
當陞民即輟攀留衍慨然曰非我不足以活女
民也疏請於朝又三年遂卜
居而家於石馬入祀名宦

杜珏北直隸人由舉人任果敢任重不為靡文見

豈可以為保障乎詳請於上捐俸鳩工石為振

基約三分磚為身面約七分連堞高三丈三尺

四門建樓各三層如古閣製雕欄朱檻此然燁

然城工既竣圖而報成漢中道府三廳泛舟至

觀日燕集於南城樓面連不忍去俱

有題詠詩載藝文中後入祀名宦

牛問仁山東濟寧州人由舉人任

易

曾選湖廣桂陽人由舉人任治多善狀吏畏民懷

寺左評事

人祀名宦

楊會河南禹州人由舉人任

羅佶湖廣巴陵人由貢監任公豐願白哲博學強

書一時各上臺供嘉其有史才後陞山西

代州知州未之任卒於石後入祀名宦

孟養氣直隸齊強人由貢監任

性剛介多忤當道逐左遷王府官去

王體豫山西太平人由舉人任

公性嚴峻一掣笑不以假人堂制肅

然六曹如立冰馬

王臯門山東黃縣人由舉人任

公坦懷期物下士愛民因朝覲遂拂

衣回里士論高之

郭翰民山西榆次人由舉人任

馬化龍南直隸武進人由貢監任

王克昌直隸深澤人由舉人任

郭一儒湖廣安化人由拔貢任

精明倜儻綜理庶務綱目井然脩城

濬池起炮臺築女牆傳餐而食日不暇給五年擢河南光州知州歷陞長沙侯倫道

國朝

陳譜直隸樂城人由功貢任和寬

張鳳翼直隸安肅人由拔貢任

蘓騰鳳直隸寧津人由進士任性嚴厲甫任三月竟辭官去

張正寰山西曲沃人由拔貢任

劉之禎湖廣黃安人由舉人任

岳萬齡山西洪洞人由拔貢任公天性慈祥與物無競五年受封典

陞直隸景州知州

塗克福建閩縣人由舉人任公勤於為政遇事担當一載之間百廢俱

興兼工詩文

劉文龍江西臨州人由舉人任

和寬

胡鼎生湖廣景陵人由進士任公弱冠登第純任

艱補江西進賢
今行取臺中

譚良恭廣東高明人由舉人任

長厚

潘瑞奇廣東番禺人由保舉見任方在投脩其政

主簿明設清裁
遠年未載

明代五人姓氏漫滅
模糊難考

典史

明代五人姓氏漫滅
模糊難考

國朝

四人 姓氏漫滅
模糊難考

戴君璋直隸籍浙江鄞縣人見任

儒學教諭 遠年
未載

明代

溫調元四川富順人由舉人任 歷陞廣西麻
哈州知州

文辭奇三水縣人由歲貢任

施 淳湖廣人由歲貢任

井 濬山東人由歲貢任

和敬岐山縣人由歲貢任 歷陞
知縣

國朝

陳虞慶漢中南鄭人由舉人任况默安靜

張我興延安鄜州人由歲貢任陞霸州判

周殿俊慶陽府人由歲貢任陞隨州判

蘓必庭郿縣人由歲貢任博學工詩

劉之斌綏德州人由歲貢任

譚聖詣漢中褒城人由歲貢任

趙錫福西安三水人由歲貢見任

人物

產靈毓秀係於山川石泉四圍重山鳳巒不拱漢水當衝人無百年之土著士鮮文獻之世家故未

多見其卓然表見於世者就地論地亦有發跡科
目品高月旦者耳至闖送僭革猶有慷慨激烈高
尚不臣之士間出其中玉韞而山輝珠藏而澤媚
造化千鑄百煉生得一二人物自當表而出之後
之傳而論列豈無聞風興起振響嗣徽處為家禎
出為國瑞者哉不可謂非來茲之津梁也則為之
誌人物

峻蹟識

科目

元代

白圭至正中舉進士歷官禮部侍郎介然有守入
祀鄉賢

明代

譚綬天順癸酉科舉人歷官湖廣襄陽府知府
張雄正德己卯科舉人官山西知縣

安汝翼嘉靖辛酉科舉人

仕未

辜良弼萬曆乙酉科舉人官四川綿竹縣知縣
魏人仰萬曆戊子科舉人任河南洛陽縣教諭
辜正煥崇禎壬午科舉人官河南濟源縣知縣

貢監

明代

李華芳歲貢歷官禮部郎中
清介如寒素
入祀鄉賢

任華歲貢授肅州衛教授

任侶歲貢未仕

董澄歲貢官浙江桐廬縣丞

和貴字禮亭歲貢官山西保德州同知
官清如水
居鄉方正

八祀
鄉賢

魏研歲貢初任蕭縣丞水陸蕭縣知縣量移兩淮
運判陞山東濟南府通判

袁介石恩貢官山西翼城縣丞

盧煌歲貢官山東濟南府通判

田東野歲貢初任直隸邯鄲縣丞陞邯鄲知縣

洪聯熙拔貢官直隸玉田縣丞

王信歲貢初任山西翼城縣丞陞遼陽衛經歷

王儒歲貢官四川蓬州州判

辜大方歲貢初任南直高淳縣教諭陞四川營經

縣知縣報陞雅州知州未之任卒慈祥和藹方正廉潔已入名官

辜大寶歲貢官四川綿竹縣丞陞經歷

任大仰歲貢入太學初任湖廣德安府通判陞山

東兗州府同知博學多聞兼長治理德安兗府俱健有生祠文集行于世

魏堦歲貢初任榆林衛訓導陞衡水知縣

魏人文歲貢官文縣訓導性孝舉孝子

魏人望歲貢官成縣訓導

魏堪歲貢任未

薛明教歲貢初任四川岳池縣訓導陞營經縣教

諭

魏卓立歲貢入太學官山東東平州學正

魏大中歲貢任未

董三策歲貢官四川保寧府訓導

魏爾孚恩貢官山西聞喜縣丞

孟僖恩貢

仕未

吳日省歲貢初任臨洮府訓導陞四川新津縣教

諭陞湖廣竹谿知縣

任大偉歲貢官陽縣訓導

孫魯歲貢除湖廣安陸訓導歷陞廣西永康州知

州陞長史 欽差交趾封王功陞廣西思明府知

府

國朝

呂京杜恩貢 仕未

楊應泰歲貢初任寧夏衛訓導奉裁補商州陞西

安府教授轉山東寧陽縣丞陞廣東平遠知縣之未
任卒於寧陽

龐文鳳歲貢官雒川縣訓導

公錄 王麟歲貢初任臨潼縣訓導丁艱補山陽陞郟陽

教諭值吳逆變亂被擄賊庭初誘以官爵不受繼
挾以刀鋸弗屈吳逆敗特疏補任

魏正昂恩貢官江西泰和縣丞

王膏民選貢 仕未

王濟民歲貢 仕未

張鵬翼歲貢官中部縣教諭

閔克龍思貢仕未

劉克篤歲貢仕未

袁龍昌歲貢

李繩芳歲貢仕未

胡重華歲貢官本州白河縣訓導

袁聰歲貢

劉遐年選貢仕未

張文澳歲貢

王謙歲貢

盧名芳歲貢

孟連舉例監任江南鹽課使

忠臣

明代

孫魯字確吾生而穎異好讀書諸家百子無不博涉尤精禪理家奇窮其父傭工以給早出貢歷官廣西知州陞長史不之官公懸車時年未五十崇禎丙子之夏流賊紫金川王率衆數萬圍城陷在旦夕邑南門臨漢江暗買舟而逃者甚衆其子泣告之曰事急矣大人盍逃乎公毅然曰我雖非守土受國顯秩義何可逃遂力倡守議鼓舞守士

脩整守具料理守法身服甲冑手持弓矢以督守
事賊窮於攻將舍之至夜逃者益衆賊之瞭望者
得其情大呼曰人盡渡矣攻益力而城陷焉公遇
賊於城力戰而死迄今尚未旌表嗚呼身無民社
之責而誓死殉城非張巡之流亞歟

孝子

明代

魏人文為石邑望族生而有至性父酷嚴文承歡
無怠容刻苦本業異博一第以慰老親數奇不遇
弱冠出貢其父為之破顏一笑因親老絕意仕進

及父有疾顛天求代衣不解帶晨夕侍其傍卒之
日水漿不入口哀毀骨立廬墓三年足為之屈邑
上其狀各院道旌其門

順孫

明代

呂芝森典史呂和聲之孫年十四祖病篤服藥不
効森暗中割股煮羹以進祖疾雖少愈而金瘡中
風遂隕其命邑上其狀各院道給金粟優恤其家

隱逸

張峻蹟邑人因逆闖破京僭號憤裂章繼臨貢而

隱入山教授不與人事以著作自任有詩文若干
卷號悲憤藏書未行世兩徵不出士論高之

潘瑞奇識

節烈

婦女得氣之陰者也其性柔其氣順其心易移其
境之薰華易動其家之貧富易炎涼一旦有故豈
無踊擗誓死久而父母之寬慰姊妹之勸解親戚
之來往少年之窺伺漸飾鉛華保其不以淫敗者
鮮矣是必貞靜剛毅出於性生有烈丈夫風者一
失所天或慷慨而赴死或從容而就義一切富貴

了不着想嗚呼區區粉黛分英雄聖賢之席顧不
重哉則為之誌節烈

峻蹟識

節婦王氏舉人安汝翼之妻于歸後莊嚴不事色
笑不冠不見其天匿影深閨中若處子及早寡斷
親故往來嚴婢僕出入如是者三十餘年疾將篤
先沐浴更衣並不令侍女以指爪親其肌膚蓋棺
論定旌表其門

節婦周氏舉人魏人仰之妻仰十九舉於鄉氏性
素嚴每對語輒以讀書勉之相敬如賓不苟容止

及仰歿哀毀不欲生復慨然曰魏氏有不了之局
非我在孰任之遂不死績紡課子雖母氏家冠婚
喪祭未嘗一徃終節婦之身人罕見其影聞其聲
者院道旌其門

烈婦無名氏丙子城陷邑中婦女或逼而投江或
擄而被辱者不止萬口五月初二日賊入城漢之
南岸艤舟百艘咸望城而泣南門外柴草中藏一
少婦年不滿二十賊數人取草見婦曳之出見為
絕色欲驅之入城烈婦便踊罵不止賊怒脅以刀
刃仍詈罵如故賊首悅其色慰諭而撫之仍詈罵

如故賊首恨其不屈令斷臂扶舌迫之江干一躍
而入觀者墮淚嗟夫桃柳弱質履白刃而可蹈遇
威武而不屈其戴鬚眉者寧無慚焉久欲鑿一無
名氏烈婦之碑於死難處惜有志而未逮今特表
而出之

流寓

語云高人停轍山水生色或星軺不返埋玉他鄉
或遊履棲息留名異域若君平之寓城都有君平
市閭仙之寓廣川有賈島村樂天之寓商雒有居
易寺子美之寓蜀有二部草堂仲敬之寓洋州有

龍亭鄉堯夫之寓鳳州有邵子行窩子瞻之寓褒
有東坡亭隨在表見軀駕者一日之琴劍動千古
之憑吊為之誌流寓

峻蹟識

水孚沙西川人舉進士不第寓於石性嗜酒工書
得二王之神

胡載道河南人萬曆丁丑進士歷官四川監軍道
好丹砂寓於石數年丹成尸解去

風俗

漢上風俗自異人之柔悍性之靜躁服之華惡食

之豐儉各有偏尚石泉土著寥寥四方商旅聚而成俗其間冠婚喪祭之儀有隨土而變者亦有沿客習而效尤者各相揶揄大約朴畧無文男尚耕作女勤績紡又不甚趨利性嗜口腹此風俗之大較也則為之誌風俗

峻蹟識

節候小紀

丙子丁丑吾邑連遭敵陷人盡烟寒草迷路合回首穠華俱為陳迹遐思邑中歲時伏臘節序應酬光景猶瞭瞭於心曾幾何時而不復得矣桑田滄

海能無悲乎幼年聽瞽者說因果小傳兵火碎事
流離之慘悲歡之變一一若合符節雖然萬家生
齒四時盛事忍付之無人之野烏有之鄉乎為之
次第其陳踪俟他日感往悼昔取枕上輒讀一過

元日

俗先於除夕各家更換桃符以黃紙作錢結彩懸
門名曰寶蓋錢一夜洒掃街衢滿燒爐炭爆竹聲
徹邑中燔栢葉於庭院一夕不斷是日五鼓起勅
內外不得出不祥語闔家祀祖主於內堂隨命酒
肅拜父母受訓奉觴先期擇吉方而後出貧富盛

服辦香持楮詣城中諸神廟香烟瀰日闔城冠蓋
謁業師覲至親往復三五日始息春正酬應莫勞
於此

五日

俗名其日曰破五行者忌之必過是日而後出遊
馬家家晨起煮五色豆互相餽送名曰五豆取小
兒稀豆之意至寅卯時婦人剪帛為人置積塵中
箒之於十字路頭名曰送窮比戶皆然不知窮不
可得而送也

元夜

石俗頗尚豪奢其城內各街互相角勝者立燈花
會一會時歛會錢置公所中令好事者董其事先
期延請工匠分街而辦以扮儼相角每會或百抬
或七八十抬雜以樓臺宮殿蓮艇虹橋悉以羅綺
錦繡為之前導鼓鑼後繼笙板箏絃喧天蔽日至
是夜燈有鰲山星橋花有蓮城炬轍盡架填街彩
聯迷日而曲折頓碍之狀即仕紳亦肩磨而已邑
父母亦擁轎沿玩即火城錦里號為不夜者不啻
如之高歌緩唱無地無之士女市行不便者梯屋
而聚觀焉間有京洛仕官往來使客泊舟來觀周

不徘徊驚咤也迄今銅駝在荆棘中母亦樂極而
悲理教有不可誣者矣

十六日

邑有野遊之俗他邑不多聞也上而閑閱之貴下
而閭閻之微靡不金珠羅縠冠蓋車馬道觀僧寺
挈盒載酒處處皆然凡有病者各覓孤栢於盤錯
處矣之矣者問病者應號為神火往往愈者睇視
者不以為嫌襟坐者不以為醜遺簪墜珥競相仆
撿以取笑焉

二月二日

是日城東五十里有殿曰草廟昔覆第而今易以
瓦矣中供藥王三像相傳為韋真人修真之地一
崗如鬣左右皆溪鳳巒為屏池河若帶而孤廟當
脊勢猶跨龍而行景甚竒也神感應如響興元一
道有病者禱之即愈是以漢中城固西鄉興安漢
陰男女裹糧以朝者絡繹不斷紛紛如蟻真稱盛
會也

三月三日

是日為玄武聖誕邑西雙璋鋪有霹靂峯孤峭插
天峯嶺為元帝廟碧瓦朱楹望之如空中樓閣過

而謁者咸留題焉雖無八宮之麗七十二峯之奇
而孤柱入雲危如削石亦石邑一奇觀也往祀者
肩輿鞍馬行紅桃綠柳中回首峯頭尤見香雲繚
繞城北里許有行宮為九老會俱邑中士大夫皓
首龐眉與其選者如神仙中人其亦倣香山路社
之故事乎

四月八日

為城隍誕會舉邑恭賽紙燭牲鼎鼓樂導之扮儼
角技貨估雲集村中男女祀畢無不席地沽飲醉
極嘔譁備諸醜態觀者為之撫掌

五月五日

各家又艾插門焚木懸菖邀親友浮雄泛蒲男女
未聚之家行追節禮鼓樂盈街紅榴綠艾命索虎
符餽送竟日邑僚尉具席於樓舡敦請長令觀龍
舟競波男婦盈岸輕鞞畫艇而載歌舞者邑中仕
紳之家也闕頭五廟甚靈城市材落傾家而往祀
焉優俳雜技而士女盛粧出遊山巔水涯紫緋紅
綠左傾右眇應接不暇終日而後驂掉皆遊倦而
言旋矣

六月六日

俗以錦繡紈綺高懸於竹架之上比屋競勝各家
於漢江取水貯甕中名為神水以造麴藥不用他
藥而味倍焉過此則不靈也

七夕

俗於是夕養女之家供七姑木主於院落中獻以
瓜桃棗梨之類俟月上星輝招貧家女未笄者擊
瓦壘唱歌乞巧笑聲達於戶外石俗之鄙也

中秋

賞月事南北風景不甚相遠石亦效尤於奢儉之
間耳邑中多於城樓僧寺通衢巷落香几盆水歌

笑相消而徹夜焉余獨厭其雷同拉三五知己泊
樓舡於鶴崖下市城既遠空月倍明若置身於披
仙雨賦中覺元裳縞衣之夢猶蛇足耳

九月九日

邑枕北山憑眺間城郭几案也九日遊者登之移
菊載酒落帽倒冠簪花卧妓頽然不知日之夕矣

長至日

其風景猶元日也習朝儀祀先人謁長令拜業師
大同小異但無紛紛拜酬之煩耳

臘月八日

於五鼓作粥羹襍以肉腐諸菜香料調之晨起邀
至親以食食畢益之以酒饌戶為餽送至豫楚間
則無知也

土產

語云地不愛寶是土之必有產也梁州厥貢璆鐵
銀鏤石固梁之下委求所謂四物者一無所見而
山以銀名水以珠名詢其由稱則山之石似銀水
之噴似珠耳即按圖索駿必不能以禿然之山為
金穴迨然一水為珠泉也石固非不毛之地揭其
所生亦豈盡無不知一邑之所獨即為天下之所

同如五穀之外取蜜於蜂取油於麻山河大地亦
自有無窮之利為民用者則為之誌土產

峻蹟識

虎 豹 鹿 麋 麂 魚 熊 猴 山羊

野猪 團猪 獺 魚 野鷄 竹雞 錦鷄

西雞 石榴 銀杏 核桃 栗 柿 木瓜

竹 笋 茶 蜜 蠟 炭 漢防己 百合

山藥 菖蒲 漆 元參 梭 苦參 葛根

細辛 管仲 何首烏 天冬 南星 半夏

五加皮 辛夷 香栢 桂皮 木耳 毛芋

破故紙 土豆 枳實 枳殼 防風 柴胡

五倍子 前胡 桔梗 升麻 香附 銀花

龍胆草 夏枯草

藝文

青山碧水怪樹名花不過騷人韻士終當埋沒或
持節而觀風土或囊劍而走長安觸景留題或律
或絕拈出韻語以快山靈遂成千古莫逆知己誰
尚謂窮山僻水空青頑碧耶則為之誌藝文

峻蹟識

登石泉南城樓讌集

漢中太守由禮門

雨餘江靜牛風柔載酒邀賓績勝遊排圍數峯青
靄合繞梁三疊綵雲由看面却肖當年傳覓句重
來前度劉閻雅更憐王建在獨將潦倒愧斯樓

同前

司李周夢暘

雨歇山城霽色開登樓一望勢雄哉青螺峙地南
軒入雪浪排空西極來作賦漫愁王粲閣歌風思
上漢高臺臨江醜酒心豪邁不為無知烏鵲哀

饒峯嶺

御史孫曠

雄關西峙衛山城頭枕漢江足練明想見黃柑遺
敵處松風猶作戰呼聲

霹靂峯十絕

御史傅振商

誰削天闕石柱成仍教霹靂定峯名
含風迴日孤容靜時聽輕雷落澗聲

石峯千仞插雲霄繖縹仙宮日月標
萬里長風動松桂清傳碧玉洞中簫

峻壁龍從玉殿孤半空蒼翠即蓬壺
等閒不許一塵到蘿月松風任有無

流水高山元氣分雷轟石析此傳聞
我來春日觀靈境芝草松花抱五雲

孤嶂春烟翠欲重元天金殿坐芙蓉
朱簷風起愁

旌旒繡拱雲飛動赤龍

玉臺積翠在中天雲日暉暉武廟前立馬東風嘆
竒絕數家松火隔流泉

碧亭高構白雲岵盤石垂蘿仄徑孤欲借休休題
石榜澗譏岩誚愧塵途

翠削芙蓉簇碧空行雲行雨自玄宮百花香裏經
過處別有乾坤入望中

石淙聲徹紫霞峯沙色波光走黑龍峯頂元閔原
瑞氣錯教指點壺樓逢

隔溪花徑遠天台香霧祥嵐白日閑何事紅塵拂

客面風綿不入亂雲堆

登霹靂峯

傳振商

捫蘿登霹靂天柱引蜂蟬蛟室圍瑤草龍沙走石頭
風烟開白日冠蓋列丹邱他日重經馬山川
總舊遊

過石泉路

傳振商

物色伶遲暮春心喜伴行鶯聲喧對語花氣煖相
迎石上題流水沙頭問草名更堪飛絮晚風度點
衣輕

石泉八景

漢江晚渡

張峻蹟

春柳如絲依岸黃
招舟子渡人忙
輕雲一片黃昏雨
簑笠歸來竹里庄

銀山秋月

銀岫巍峩架玉盤
滿城佳景屬婵娟
茅齋不必懸圖畫
一幅分明吳道玄

饒峯返照

返照曾哦工部詩
千家烟火抱峰奇
層壑巒巒重明霽
疑是旭輪初出時

天池瑞蓮

高高山頂現深池
千畝芙蓉並蒂奇
邑有禎祥曾兆瑞
遊人爭看放蓮時

石磨漁梁

鳴榔擊汰萬椿栽
一派灘聲吼怒雷
估客遊人盡載酒
一時齊喚買魚來

關頭牧笛

傍江一岸草芊芊
萬戶牛羊牧翠烟
細雨黃昏亂吹笛
米家水墨挂江邊

烟波靈洞

洞天豁敞俯江城
中瀉靈湫舊有名
早魃時來度

禱祀片雲頭上雨盆傾

霹靂神峯

插天一笋入青旻
玄帝宮前鎖白雲
時有雷聲轟
澗底琅璈仙藥坐間聞

馬嶺朝陽

天馬峯頭駐馬看
團團紅日嫁青山
深谿邃壑重
重色人影千尋在遠灣

漢江坐月

和張徵士峻蹟韻

石令涂之堯

暑退涼生風力柔
沙平月白坐江頭
秦山故向樽
前起漢水如歸天
上流竹簟受光傾
北斗柳條移

影入西樓江城夜靜無征戰漁火灘聲健客遊

縣堂春草

徐之堯

撫几南山對白雲陰晴衆嶺未曾分漢江水長消
春雪楚澤帆來帶夕曛三里城垣環虎豹數家烟
火傍榆枌年年客裡看青草今日隣居又鹿群

香栢崖

徐之堯

香栢懸崖勢轉竒爛然紅紫入江時長年花事無
人管開落惟教烏雀知

蓮花石

徐之堯

白石粼粼出水涯烟波萬里一蓮花漢江日暮青

如許恰似風吹荷葉斜

寮竹寺

涂之克

水落溪乾蕭寺行空山萬里盡秋聲三已日暮峯
巒疊六詔雲深羽檄橫蔓草有心封去路小民無
意入荒城何堪此地猶供應億滇蜀連年未罷兵

兵亂後過西關有感

張峻蹟

燕尾分流牛嘴沙舞裙歌扇記繁華當日為誰譁此日譁平康猶記遺
鞭處蹟不見樓臺見菜花

過高田鋪感懷

張峻蹟

陰山十里鎖垂楊官道鳴泉寫恨長調馬草速却

氏路玩花香冷謝家庄黃雲黯淡良田廢青草淒
離古驛荒當日溪橋行樂地空餘桃柳舞斜陽

石磨鋪牌坊聯

前令羅 信

石磨魚梁古紀漁雷之蹟

曲求直取誰存釣渭之心

蔡家灣坊聯

羅 信

三千零逃絕人丁盡在此深山窮谷
八里許拋荒田地大都是陡壁懸崖

馬嶺鋪坊聯

羅 信

馬嶺有緣馳驥足

鳳山何幸聽鸞音

馬嶺灣坊聯

羅信

古道出山腰曲屈宛如天上路
陽光臨嶺面往來恰似日邊人

息肩亭聯

羅信

亘二十里鳥道羊腸至此便堪駐足
歷千百年車塵馬足惟茲可以停驂

省耕亭聯

前令曾選

晴犁雨耨田舍艱難堪軫念
春耕秋斂公家賦稅亦關心

交界坊聯

曾選

西邑俱吾民疆界雖分須守望
一方同接壤風塵無警樂耕耘

石泉縣誌後跋

誌既成掩卷太息不勝今昔盛衰之感也余生於
明神宗朝之戊申歲迄今八十年猶及見邑全盛
之時彈丸一縣何處非雕樓畫榭何處非繡落錦
村何處非車填馬簇何處非管韻歌聲一時稱為
小池陽州屬之五邑咸遜焉遲十年而局又一變
矣人日益偷俗日益侈服食日僭奢器日淫巧

未嘗不默料其盛極而將衰也又遲數年而閑步
巷陌見群兒嬉戲屈荆為弓削竹為箭裂衣為旗
壘石為營競相角勝又默決其為兵動之象也未
幾而秦寇倡亂四方亡命蜂起嚮應而盜賊遍天
下也無論江北五省一直陷郡破邑無一完字即
關南一道無尺寸乾淨之地矣石當漢興上下必
由之路其為蹂躪尚待言哉從前所稱為錦疆綉
宇者悉化為頽壁焦窟矣所稱為艷穠生齒者悉
變為鬼燐螢火矣轉眄矣涼而光景不可復得也
生於數十年後之人嘗與之畫沙而說往事真向

痴人說夢若是存有誌載猶得於紙上尋之無奈
文獻俱淪城野改面如文信國所云山河風景原
無異城郭人民半已非者不亦可血而可淚哉幸
際邑候

潘明府慨然以脩廢為己任卑禮厚幣徵余而輯之
欲勒成一書以垂不朽誠憲老乞言之盛舉也余
思此邑叠罹兵火埋沒於邱墟瓦礫中知無生機
久矣忽得

明府起死回生之手撥而活之真疆域之功臣也余
敢不竭蹶從事以勸其舉哉即日伸紙濡毫次第

詳記分門別類條目井然使一往陳跡躍躍紙上
自知僭筆之罪又何辭焉

逸民張峻蹟頓首謹跋

禮
工
兩房經理書辦
吳光璉
周賢士

顧有智

長安縣刻字匠
顧有金

尚昇龍

蘓奇

